



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), člana 14 Zakona o javnim preduzećima u Brčko distriktu Bosne i Hercegovine – prečišćeni tekst (Službeni glasnik Brčko distrikta BiH, broj 22/18), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13, 31/13 i 50/18) i Odluke Upravnog odbora Javnog preduzeća „Radio Brčko“ Brčko distrikt Bosne i Hercegovine o usvajanju Poslovnog plana Javnog preduzeća „Radio Brčko“ Brčko distrikt Bosne i Hercegovine za 2019. godinu, broj:01-295-2/18 od 28. 11. 2018. godine Skupština Brčko distrikta BiH, na 38. redovnoj sjednici održanoj 18. decembra 2018. godine, donosi

ODLUKU O DAVANJU SAGLASNOSTI

20.12.2018.	
01	295-4/18

Član 1

Daje se saglasnost na Poslovni plan Javnog preduzeća „Radio Brčko“ Brčko distrikt Bosne i Hercegovine za 2019. godinu, broj:01-295-1/18 od 28. 11. 2018. godine.

Član 2

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-507/18
Brčko, 18. 12. 2018. godine



PREDSJEDNIK
SKUPŠTINE BRČKO DISTRIKTA BiH

Esad Kadić

Kadić

Dostavljeno:

1. Predsjedniku
2. Dopredsjedniku
3. Gradonačelniku
4. JP „Radio Brčko“ Brčko distrikt BiH
5. Sektoru za koordinaciju politika i opće poslove
- Odsjeku za opće poslove
6. Arhivi



ЈП „Радио Брчко“ д.о.о.
Брчко дистрикт БиХ

JP „Radio Brčko“ d.o.o.
Brčko distrikt BiH

Бројеве карти ЈП 76000 Брчко одштампане БиХ
Тел: + 387 49 216 610 Тел. факс: + 387 49 217 157
Е-пошта: администрација@radiobrcko.ba / radiobrcko@radiobrcko.ba
Поресни: 600015550000 ЈП Б.Н.Б. 600015550000
Карта - рачун: 1542012000095541 БИЛ Банк; 554009000042274
Платежи International Bank; 5620040000068019 БИЛ Банк

Бројеве карти ЈП 76000 Брчко одштампане БиХ
Тел: + 387 49 216 610 Тел. факс: + 387 49 217 157
Е-пошта: администрација@radiobrcko.ba / radiobrcko@radiobrcko.ba
Поресни: 600015550000 ЈП Б.Н.Б. 600015550000
Карта - рачун: 1542012000095541 БИЛ Банк; 554009000042274
Платежи International Bank; 5620040000068019 БИЛ Банк

Број: 01-295-2/18

Брчко, 28.11.2018. године

На основу члана 14. став (b) Закона о јавним предузећима у Брчко дистрикту Босне и Херцеговине и члана 34. став (b) Статута ЈП „Radio Brčko“ д.о.о. Брчко дистрикт Босне и Херцеговине, Управни одбор ЈП „Radio Brčko“ д.о.о. на 33. редовној сједници УО одржаној дана 28.11.2018. године доноси слjedeћу

ОДЛУКУ

о усвајању Пословног плана за 2019. годину ЈП „Radio Brčko“ д.о.о. Брчко дистрикт Босне и Херцеговине

Члан 1.

Усваја се Пословни план за 2019. годину јавног предузећа „Radio Brčko“ д.о.о. Брчко дистрикт Босне и Херцеговине број: 01-295-1/18 од 28.11.2018. године.

Члан 2.

Пословни план за 2019. годину Јавног предузећа „Radio Brčko“ д.о.о. Босне и Херцеговине, ступа на снагу даном давања сагласности Скупштине Брчко дистрикта БиХ.

Члан 3.

Одлука ступа на снагу даном доношења.

Достављено:
-Скупштини BD БиХ
-Управном одбору
-Директору
-а/а



Предсједник Управног одбора

Edin Ražanica
Edin Ražanica, dipl. menadžer bezbjednosti



**ЈП „Радио Брчко“ д.о.о.
Брчко дистрикт БиХ**

**JP „Radio Brčko“ d.o.o.
Brčko distrikt BiH**

*Булевар мира 18, 76100 Брчко дистрикт БиХ
Тел: + 387 49 216 610 Тел./факс: + 387 49 217 157
Е-маил: administracija@radiobrcko.ba / radiobrcko@radiobrcko.ba
Порески: 4600018550000 ИБ ПДВ: 600018550000
Жиро - рачун: 1542012000095541 ИСП Банк; 5540050000042274
Павловић Интернационал Банк; 5620040000268019 Н.ЛБ Банка*

*Bulevar mira 18, 76100 Brčko distrikt BiH
Tel: + 387 49 216 610 Тел./факс: + 387 49 217 157
E-mail: administracija@radiobrcko.ba / radiobrcko@radiobrcko.ba
Poreski: 4600018550000 IB PDV: 600018550000
Žiro - račun: 1542012000095541 ISP Bank; 5540050000042274
Pavlović International Bank; 5620040000268019 NL B Banka*

POSLOVNI PLAN ZA 2019. GODINU

JP «RADIO BRČKO» D.O.O. BRČKO DISTRIKT BiH

SADRŽAJ

UVOD	3
1.1. Istorijski razvoj.....	4
1.2. Prostorni kapacitet.	4
1.3. Sredstva rada i oprema	5
2. PRAVNI OKVIR I UNUTRAŠNJA ORGANIZACIJA	5
2.1. Pravni okvir.....	5
2.2. Poslovi u Preduzeću	6
2.3 Unutrašnja organizacija	6
2.4.Upravljanje Preduzećem.....	7
2.5. Finansijsko upravljanje	8
3. FINANSIJSKI PLAN ZA 2019. GODINU	8
3.1 PRIHODI	8
3.1.1. Prihodi od pružanja usluga (reklame, oglasi, realizacija emisija).....	8
3.1.2. Prihodi po osnovu granta Vlade Brčko distrikta.....	8
3.2. RASHODI	8
3.2.1. Troškovi materijala	9
3.2.2. Troškovi plata i ostalih primanja zaposlenih	9
3.2.3. Troškovi proizvodnih usluga	19
3.2.4. Amortizacija	10
3.2.5. Nematerijalni troškovi	10
3.2.6. Finansijski rashodi	10
3.2.7. Ostali rashodi i gubici	10
3.3. RAZLIKA PRIHODA I RASHODA	11
4. INVESTICIJE	11

UVOD

Aktivnosti JP „Radio Brčko“ d.o.o. Brčko distrikt BiH u 2019. godini će se odvijati u okviru Poslovnog plana koji, između ostalog, obuhvata projekciju prihoda i rashoda, u skladu sa unutrašnjom organizacijom preduzeća. Poslovni plan će se bazirati na osnovnoj djelatnosti preduzeća – emitovanje radijskog programa, ali i objavljivanju sadržaja na internetu odnosno veb stranici.

U okviru ovih djelatnosti, a u skladu sa vizijom i misijom rada JP „Radio Brčko“, Poslovni plan preduzeća je urađen u cilju ostvarivanja najvišeg mogućeg nivoa razvoja djelatnosti preduzeća, a to podrazumijeva visok nivo servisiranja konzumenata informacijama sa naglaskom na brzinu, objektivnost i tačnost, potom ostvarivanje visokog zadovoljstva komitenata kroz pružanje što kvalitetnijih usluga, poštovanje ugovora, ispunjavanje zahtjeva i očekivanje kupaca, dugoročno i stabilno poslovanje, te zaštitu radnih interesa zaposlenih u preduzeću. Potrebno je napomenuti da preduzeće saraduje i koordinira sa odgovarajućim nadležnim odjeljenjima Vlade Brčko distrikta BiH kao i sa Skupštinom Brčko distrikta BiH, te u okviru toga ostvaruje značajan efekat na programske sadržaje preduzeća u smislu dobijanja svakodnevnih informacija iz izvršne i zakonodavne vlasti, a koje su putem radio programa i na veb stranici dostupne građanima Brčko distrikta BiH. Takođe je neophodno istaći saradnju preduzeća sa osnivačem u finansijskom smislu, a što je potrebno za održivost i stabilnost poslovanja. Nakon što Upravni odbor usvoji ovaj dokument, on će biti upućen osnivaču odnosno Skupštini Brčko distrikta na davanje saglasnosti.

1.1. Istorijski razvoj

Javno preduzeće „Radio Brčko“ d.o.o. Brčko distrikt Bosne i Hercegovine je prvobitno poslovalo pod nazivom „Radio stanica Brčko“ i zvanično je počelo sa radom 15.02.1960. godine.

U to vrijeme, u bivšoj Jugoslaviji, postojala je 21 radio stanica, a u Bosni i Hercegovini prije „Radio stanice Brčko“ poslovale su samo dvije radio stanice i to „Radio Sarajevo“ i „Radio Tuzla“.

„Radio stanica Brčko“ je bila smještena u zgradi bivšeg Komiteta (ulica-sadašnji Bulevar mira) i brojala je pet zaposlenih radnika (direktor, novinar, tehničar, spiker i administrativni službenik). Godine 1978. se preseljava u zgradu „Kloster“ (ulica-sadašnja Klosterska), a oko 1975. godine postaje dio Centra za kulturu, informisanje i obrazovanje odraslih kao „Osnovna organizacija udruženog rada“ (OOUR).

Godine 1983. mijenja naziv u „Javno preduzeće OJRNIP Brčko“ i pored emitovanja radio programa počinje sa izdavanjem novinskog lista „Graditelj“, koji je pod tim nazivom izlazio do kraja 1991. godine, dva puta mjesečno. U toku 1991. godine preduzeće je počelo emitovati stereo gradski program na 94,80MHz i poslovalo kao dioničko društvo 127 dana.

Godine 1992. novinski list mijenja naziv u „Brčanske novine“ i biva izdato samo nekoliko izdanja. Godine 1993. ponovo počinje izdavanje novinskog lista pod nazivom „Brčanski pogledi“ sve do 2001. godine kada preduzeće svoju aktivnost svodi na emitovanje radijskog programa.

Tokom ratnog i poslijeratnog perioda u Bosni i Hercegovini, na području opštine Brčko, poslovale su tri radio stanice: „Javno preduzeće OJRNIP Brčko“, „Javna ustanova za informisanje Maoča“ i „Javno preduzeće Nove Ravne Bijela“.

Proglašavanjem grada Brčko Distriktom, navedene tri radio stanice su objedinjene u jedinstveni i multietnički radio, koji posluje u obliku društva sa ograničenom odgovornošću. Odlukom osnivača (Brčko distrikt BiH) preduzeće od 2001. godine posluje pod punim nazivom **Javno preduzeće „Radio Brčko“ d.o.o. Brčko distrikt Bosne i Hercegovine.**

1.2. Prostorni kapacitet

Poslovni prostor JP „Radio Brčko“ d.o.o. utvrđen je Odlukom Gradonačelnika Brčko distrikta BiH o davanju nepokretnosti na korištenje, nalazi se u ulici Bulevar mira br. 18, ukupne površine oko 102 m² i sastoji se od:

- kancelarija 1 površine cca 17,60 m²,
- kancelarija 2 površine cca 17,70 m²,
- kancelarija 3 površine cca 25,30 m²,
- kancelarija 4 površine cca 17,40 m²,
- kancelarija 5 površine cca 15,00 m²,
- čajna kuhinja površine cca 8,90 m².

Poslovne prostorije koje su na raspolaganju preduzeću nisu potpuno uslovne, te izuzetno otežavaju efikasnost i produktivnost zaposlenih.

Prostorije za tehničku realizaciju programa i prostorija odakle se emituje program su tehnički neispravne, što podrazumjeva da nisu izolovane - akustične od smetnji zvukova s polja i iz susjednih prostorija.

Studio iz kog se emituje program ne zadovoljava uslove ni u smislu kvadrature. Naime, to je prostorija predviđena za maksimalno tri osobe, uključujući i voditelja, te kada se pojavi situacija u kojoj treba da gostuje više osoba, voditelji improvizuju u smislu pojedinačnog ulaska sagovornika u studio što značajno utiče na kvalitet emitovanog sadržaja.

Kancelarija dva radnika je takođe tehnički neispravna s obzirom da je improvizovana na hodniku sa rigips prezidama, bez prozora i prirodne svjetlosti. Radno vrijeme od 8 časova se provodi pod neonskim svjetlom.

U preduzeću ne postoji kancelarija za prijem stranaka gdje bi naši novinari mogli uzeti izjave i obaviti intervju sa sagovornicima i gdje bi referent za marketing mogao obaviti razgovor sa potencijalnim kupcima, što u mnogome otežava posao naših službenika.

Plan preduzeća za 2019. godinu, između ostalog, jeste, pronalaženje adekvatnijeg poslovnog prostora i obezbeđenje boljih uslova za produktivniji i kvalitetniji rad zaposlenih.

1.3. Sredstva rada i oprema

Planom aktivnosti za 2019. godinu obuhvaćena su sljedeća sredstva rada i opreme:

JP „Radio Brčko“ je 2013. godine, uz pomoć granta Vlade Brčko distrikta, nabavio novu digitalnu programsku opremu. Za tako skupu najsavremeniju tehniku neophodno je redovno godišnje održavanje od ovlaštene stručne firme. Neophodno je potpisivanje godišnjeg ili čak dvogodišnjeg ugovora o tehničkom održavanju i nabavci dijelova za programsku opremu sa specijalizovanom firmom za te poslove, a to je *Audio video consulting*. Prema preliminarnim provjerama, u BiH je samo jedna takva firma koja zadovoljava sve kriterijume potrebne za održavanje naše opreme. Za tu uslugu je, na godišnjem nivou, potrebno obezbijediti sredstva u iznosu od minimalno 4.200 KM.

Kada je kupovana nova programska oprema nije bilo dovoljno sredstava da se zamijeni niti servisira i emisiona oprema. Prije tri godine je, iz vlastitih sredstava, kupljen jedan novi digitalni odašiljač za emitovanje sa antenskog stuba u gradu. Njegova snaga je 500 kilovata, a plaćen je oko 6.500 KM. Svakodnevno se suočavamo sa problemima u funkcionisanju druga dva odašiljača. Zbog čestih popravki te opreme, koja je starija od 30 godina, preduzeće redovno trpi neplanske troškove, koji nisu mali. U trenutcima kvara na pojedinom odašiljaču ne emituje se program sa te frekvencije jer nemamo zamjenska emisiona tijela. Za neemitovanje koje traje duže od tri dana, rizikujemo da nam Regulatorna agencija za komunikacije BiH uskrati pravo koncesije na tu frekvenciju pošto smo, po njihovim pravilima, dužni obezbijediti redovno emitovanje programa, uz mogućnost dozvoljenog prekida zbog kvara samo u trajanju do tri dana. Zbog toga je hitno potrebno nabaviti nove digitalne odašiljače za emisione lokacije Udrigovo na Majevidi i Podarevac u Skakavi Gornjoj. Sa tih lokacija, opet prema pravilima i dozvolama RAK-a, emituje se snagom odašiljača od jedan kilovat. Cijena jednog takvog odašiljača nije manja od **12.000 KM**, što znači da je za nabavku dva takva odašiljača potrebno obezbijediti **24.000 KM**. Uz to, treba predvidjeti troškove dodatne opreme i demontaže, odnosno montaže, što bi iznos povećalo za dodatnih **5.000 do 6.000 KM**. Takođe je neophodno postojeće odašiljače, nakon nabavke i postavljanja novih, poslati na generalni servis u ovlaštenu specijalizovanu firmu kako bismo imali zamjenska emisiona tijela za slučaj da dođe do kvara na nekom od odašiljača i time izbjegli rizik da se ne emituje program duže od tri dana. Prema preliminarnim procjenama za servisiranje dva postojeća odašiljača, potrebno je obezbijediti sredstva u iznosu od minimalno **5.000 KM**. Sve ukupno za nabavku nove i servisiranje postojeće emisione opreme neophodno je obezbijediti oko **35.000 KM**. Preduzeće ima potrebu i za nabavkom uređaja nove montažne opreme za koju bi trebalo obezbijediti 10.000 KM.

2. PRAVNI OKVIR I UNUTRAŠNJA ORGANIZACIJA

2.1. Pravni okvir

Preduzeće posluje u skladu sa:

- Zakonom o javnim preduzećima Brčko distrikta BiH,
- Zakonom o javnim nabavkama BiH,
- Ostalim Zakonima,
- Odlukom o osnivanju Javnog preduzeća „Radio Brčko“ d.o.o. Brčko distrikt BiH,
- Statutom Javnog preduzeća „Radio Brčko“ d.o.o. Brčko distrikt BiH i
- Ostalim odlukama i aktima Preduzeća.

2.2. Poslovi u Preduzeću

Osnovna aktivnost

Osnovna aktivnost u Preduzeću je emitovanje radijskog programa.

Ostale aktivnosti

Pored osnovne djelatnosti, Preduzeće obavlja i aktivnost: internetski portal, iz registrovane djelatnosti.

2.3. Unutrašnja organizacija

U skladu sa Odlukom o unutrašnjoj organizaciji i sistematizaciji radnih mjesta u JP „Radio Brčko“ d.o.o., Preduzeće je organizovano u četiri službe:

- Uprava,
- Program,
- Tehnika i
- Služba opštih poslova.

U Službi uprave, tehnike i opštih poslova predviđeno je angažovanje **9** radnika, koliko je i zaposleno. U Službi programa predviđeno je angažovanje **12** radnika, s tim što su dvije pozicije mandatske (na period od četiri godine).

Trenutno je u ovoj službi zaposleno 10 radnika, gdje su dva novinara, sa ugovorom na neodređeno vrijeme, javnim konkursom izabrana na mandatske pozicije (na period od 4 godine). Planom zapošljavanja za 2019. godinu je predviđeno angažovanje još 2 radnika u ovoj službi.

Prateći informativne i programske trendove medija u našem okruženju, ali i šire, a prije svega prateći potrebe i prohtjeve publike, uredništvo je donijelo odluku da se napravi značajna izmjena programske šeme. Dugogodišnji princip rada i programske šeme se pokazao kao zastario i manje prihvatljiv današnjim prohtjevima publike. S obzirom na sve brži i dinamičniji životni tempo stanovništva i programska šema se morala prilagoditi toj činjenici. Zbog toga su dosadašnje emisije, od kojih su neke trajale i do sat vremena, doživjele značajnu promjenu. Skraćeno im je trajanje, a uvedena dinamičnost kroz više angažmana samih autora. Smanjenjem trajanja pojedinih emisija, otvorio se prostor za uvođenje više novih informativnih i zabavnih emisija dinamičnog sadržaja i trajanja do maksimalno 15 minuta. S obzirom da je istraživanjima utvrđeno da, radio kao medij, najviše slušalaca ima među vozačima i kod onih koji imaju mogućnost da ga slušaju u svojim kancelarijama, zatim trgovačkim radnjama ili nekim drugim radnim mjestima, te da više ne postoje cjelodnevni slušaoci radio programa, došli smo do zaključka da je neophodno uvesti emitovanje vijesti svaki sat i to u vremenu od 07 do 20 sati, što je zapravo i globalni *prime time* termin radio emitovanja.

Predlažemo emitiranje programa u saradnji s ostalim bosanskohercegovačkim radio stanicama u trajanju od 15 minuta gdje bismo imali informacije u vlastitoj produkciji iz svih dijelova naše zemlje.

Uredništvo predlaže *blic* vijesti svakih sat vremena, dok bi se trominutne, maksimalno četverominutne vijesti emitovale u 07, 10, 14 i 19 sati. S obzirom da vikendom nemamo mnogo sadržaja, predlažemo pojačana gostovanja u našem studiju koja bi povećala slušnost programa.

Programske aktivnosti traže anketno ispitivanje naših građana o slušanosti muzike i programa, a za to nam je potrebna suglasnost javnih insitucija kako bismo na osnovu javnog mnijenja nadogradili i eventualno promijenili sadržaje.

Vodeći računa da se cjelokupni program radija emituje neprestano putem interneta, te da i putem tog komunikacijskog kanala ima reprezentativan broj slušalaca, od kojih je veliki broj njih koji žive na drugim kontinentima, odnosno u drugim vremenskim zonama, u planu smo uvesti reprizno emitovanje pojedinih informativnih i zabavnih emisija od 00 do 06 sati.

„Radio Brčko“ sve svoje vijesti široj javnosti predstavlja putem vlastitog internetskog portala www.radiobrcko.ba koji je reprezentativan i vrlo posjećen. JP „Radio Brčko“, zbog svog obima posla, i uz činjenicu da, za razliku od komercijalnih zabavnih radio stanica, mora poštovati sve profesionalne međunarodne standarde, takođe mora imati predviđen način za postizanje različitih ugovora o autorskom djelu, ugovora o povremenim i privremenim poslovima, te koprodukcijских ugovora. Takve potrebe se javljaju najčešće u izbornim godinama koje su u našoj zemlji svaka druga. U vrijeme kada se provode izbori, bilo opšti ili lokalni, „Radio Brčko“ je dužan, prema pravilima Centralne izborne komisije BiH (CIK BiH) i RAK-a, obezbijediti potpuno, fer i pravično praćenje izborne kampanje koje iziskuje povećanje angažmana naših zaposlenika i do 50 odsto. Velike poplave iz 2014. godine su pokazale moć i značaj „Radio Brčkog“. U tom vremenu, zaposlenici su više od mjesec dana radili svakodnevno više od 12 sati dnevno, pratili aktivnosti i obavještavali javnost. Naš internetski portal je, u to vrijeme, trpio preopterećenja i morali smo mu širiti kapacitete, a naši novinari su svakodnevno izvještavali više od 50 radijskih i televizijskih stanica, te internet portala koji su molili za usluge.

2.4. Upravljanje preduzećem

Preduzeće je uvelo pristup upravljanja preduzećem koji podrazumijeva planiranje poslovanja, planiranje nabavki, internu kontrolu, praćenje izvršenja Poslovnog plana i izvještavanje organa upravljanja.

Upravni odbor Preduzeća usvaja Poslovni plan za koji je potrebna saglasnost Osnivača.

Direktor Preduzeća se stara o njegovom izvršenju.

Osnivač ima pravnu mogućnost da utiče na poslovanje preduzeća a posebno na kapitalne investicije.

Strateško upravljanje vrši Upravni odbor u skladu sa Zakonom o javnim preduzećima Brčko distrikta BiH i Statutom Preduzeća.

Preduzećem rukovodi i predstavlja ga Direktor, dok strateške odluke donosi Upravni odbor uz saglasnost Osnivača.

Upravni odbor, uz saglasnost Osnivača:

- a) usvaja statut javnog preduzeća,
- b) usvaja godišnji poslovni plan Preduzeća,
- c) usvaja dugoročni plan razvoja Preduzeća,
- d) odlučuje o unutrašnjoj organizaciji Preduzeća,
- e) odlučuje o statusnim promjenama javnog preduzeća (podjela, spajanje i pripajanje),
- f) odlučuje o povećanju i smanjenju kapitala Preduzeća,

- g) odlučuje o raspodjeli neto dobiti i
- h) donosi odluku o promjeni naziva, sjedišta i djelatnosti Preduzeća.

Preduzeće Osnivaču podnosi izvještaj o poslovanju jedanput godišnje.

2.5. Finansijsko upravljanje

Preduzeće će se finansirati iz sljedećih izvora:

- prihoda od obavljanja djelatnosti Preduzeća i
- budžeta Brčko Distrikta BiH.

Preduzeće je odgovorno za svoje obaveze svojom cjelokupnom imovinom. Osnivač je odgovoran za obaveze Preduzeća do iznosa svog učešća (osnovni kapital). Preduzeću vodi poslovne knjige Knjigovodstveni biro i priprema računovodstvene izvještaje u skladu sa Zakonom o računovodstvu i reviziji Brčko distrikta BiH, Međunarodnim računovodstvenim standardima i standardima finansijskog izvještavanja.

Direktor Preduzeća priprema završni račun, Upravni odbor ga usvaja i dostavlja Skupštini Brčko distrikta BiH na odobrenje.

Upravni odbor odlučuje o raspodjeli neto dobiti/ pokriću gubitka, uz saglasnost Osnivača.

3. FINANSIJSKI PLAN ZA 2019. GODINU

Projekcija prihoda i rashoda data je u ukupnom iznosu urađena je na bazi planiranih aktivnosti u 2019.godini.

3.1. PRIHODI

Ukupno planirani prihodi za 2019. godinu iznose: **630. 000,00 KM** a njihov prikaz dat je u narednoj tabeli.

Tabela br: 1 - Plan prihoda po vrstama

R/B	PRIHODI	UKUPNO
1.	Prihodi od pružanja usluga (reklame oglasi, realizacija emisija)	90.000,00
2.	Prihodi po osnovu redovnog granta	540.000,00
	UKUPNI PRIHODI	630.000,00

3.2. RASHODI

Ukupno planirani troškovi i rashodi za 2019. godinu iznose **618.853,00 KM** , i rađeni su na bazi ostvarenih troškova iz ranijih godina, a njihov pregled dat je u tabeli.

Tabela br: 2 - Ukupno planirani troškovi i rashodi za 2019. godinu

RB	KONTO	NAZIV	POSLOVNI PLAN
1.	51	Troškovi materijala	29.250,00
2.	52	Troškovi plata,naknada plata i ostalih ličnih rashoda	482.300,00
3.	53	Troškovi proizvodnih usluga	30.030,00
4.	54	Amortizacija i troškovi rezervisanja	13.773,00
5.	55	Nematerijalni troškovi	40.250,00

6.	56	Finansijski rashodi	1.000,00
7.	57	Ostali rashodi i gubici	22.250,00
		UKUPNO	618.853,00

3.2.1. Troškovi materijala

Na osnovu ostvarenih troškova u 2018. godini i na osnovu planiranog angažovanja kapaciteta u 2019.g odini, planirani su troškovi materijala u iznosu od 17.250,00 KM.

Troškovi materijala se odnose na:

- troškove higijenskog materijala.....1.000,00 KM
- troškovi kancelarijskog materijala.....3.000,00 KM
- troškovi nabavke računara.....7.200,00 KM
- troškovi nabavke štampača.....450,00 KM
- troškovi nabavke diktafona.....1.500,00 KM
- troškovi nabavke dijelova studijske opreme.....600,00 KM
- troškovi nabavke ostale računarske opreme.....500,00 KM
- troškove goriva 2.000,00 KM
- otpis sitnog inventara1.000,00 KM
- troškovi nabavke emisione opreme.....12.000,00 KM

3.2.2. Troškovi plata, naknada plata i ostalih ličnih rashoda

Planirani troškovi plata, naknada i ostalih ličnih rashoda zaposlenih ukupno iznose 482.300,00 KM, a od toga se 431.600,00 KM odnosi na bruto plate. Raspored radnika po službama vrši se na osnovu Odluke o unutrašnjoj organizaciji i sistematizaciji radnih mjesta.

Troškovi plata zaposlenih su regulisani Pravilnikom o platama i naknadama zaposlenih u JP „Radio Brčko“ d.o.o. Brčko distrikt BiH.

Troškovi plata su planirana po osnovu platnih razreda i neto plata prema Ugovoru o radu za svakog zaposlenog i na osnovu Pravilnika o platama i naknadama zaposlenih.

Ispлата plata će se korigovati prema ostvarenim odnosno procijenjenim ukupnim prihodima i rashodima.

U troškove plata i ostalih primanja zaposlenih ulaze:

- troškovi plata u bruto iznosu.....431.600,00 KM
- troškovi ostalih primanja i naknada kao što su:
(otpremnine, nagrade zaposlenicima, pomoć radnicima u slučaju smrti člana porodice i sl.).....3.600,00 KM
- troškovi naknada članovima upravnog odbora.....44.100,00.KM
- troškovi naknada autorski honorar3.000,00KM

3.2.3. Troškovi proizvodnih usluga

Na osnovu ostvarenih troškova proizvodnih usluga u 2018. godini i na osnovu planiranih aktivnosti u 2019. godini, planirani su troškovi proizvodnih usluga u iznosu od 30.030,00 KM.

Planirani troškovi proizvodnih usluga odnose se na:

- troškove usluga održavanja (tekuće održavanje stalnih sredstava, zamjene rez.dijelova i sl.).....4.000,00 KM
- troškovi održavanja emisione opreme.....4.200,00 KM
- troškovi zakupa antenskog stuba4.400,00 KM

- troškovi Regulatorne agencije za komunikacije.....4.510,00 KM
- troškovi domene.....200,00 KM
- troškovi naknade za muzička djela.....720,00 KM
- troškovi usluga novinskih agencija.....3.000,00 KM
- troškove komunalnih usluga.....9.000,00KM

3.2.4. Amortizacija

Planirana amortizacija i troškovi rezervisanja iznose 13.773,00 KM.

Amortizacija se obračunava na stalna materijalna i nematerijalna sredstva prema njihovom vijeku trajanja i na osnovu važećih amortizacionih stopa propisanih Pravilnikom o računovodstvu i računovodstvenim politikama JP „Radio Brčko“ d.o.o.

3.2.5. Nematerijalni troškovi

Na osnovu usvojenih planiranih aktivnosti u 2019. godini i na bazi ostvarenih troškova u 2018. godini, planirani su nematerijalni troškovi u iznosu od 40.250,00 KM .

Planirani nematerijalni troškovi se odnose na:

- troškove advokatskih usluga.....3.600,00 KM
- troškovi knjigovodstvenih usluga.....7.200,00 KM
- troškovi nabavke konsultanskih usluga.....1.200,00 KM
- troškovi poklona.....2.100,00 KM
- troškovi štampanja.....300,00 KM
- troškovi usluga restorana i posluživanja hranom.....1.500,00 KM
- troškovi usluga posluživanja pića.....700,00 KM
- troškove usluga osiguranja.....2.500,00 KM,
- troškove platnog prometa i drugih bankarskih usluga.....2.000,00 KM,
- troškove PTT usluga.....1.000,00 KM,
- troškovi interneta.....990,00 KM
- troškovi telefona-fixni.....2.800,00 KM
- troškovi telefona-mobilni.....3.560,00 KM
- troškove poreza, naknada, taksi i druge.....6.500,00 KM
- troškove administrativnih i sudskih taksi.....3.000,00 KM
- ostale nematerijalne troškove.....1.300,00 KM.

3.2.6. Finansijski rashodi

Na osnovu planiranih aktivnosti u 2019. godini i na bazi ostvarenih rashoda u 2018. godini, planirani su finansijski rashodi u iznosu od 1.000,00 KM i čine ih rashodi od kamata, zateznih kamata i drugi.

3.2.7. Ostali rashodi i gubici

Ostali rashodi i gubici planirani su u iznosu od 22.250,00 KM, a odnose se na:

- troškove manjkova.....250,00 KM
- rashodi po osnovu ispravke vrijednosti i otpisa potraživanja.....20.000,00 KM
- ostali rashodi (troškovi sudskih sporova i sl.).....2.000,00 KM.

3.3 RAZLIKA PRIHODA I RASHODA

Na bazi ukupno planiranih prihoda i rashoda planirana je dobit u iznosu od 11.147,00 KM.

Ukupno planirani prihodi **630.000,00 KM**

Ukupno planirani rashodi **618.853,00 KM**

Planirana dobit (razlika prihoda i rashoda): 11.147,00 KM

4. INVESTICIJE


U skladu sa finansijskim mogućnostima u 2019. godini je predviđen Plan investicija za sljedeće:

Tabela br. 3 – Planirane investicije

Rb	Opis	Iznos (u KM)
1.	Predajnik 2x12.000,00	24.000,00
2.	Montaža novih predajnika	6.000,00
3.	Uredaji nove montažne opreme i servisiranje postojeće	15.000,00
	Ukupno:	45.000,00

Broj: 01-295-1/18
Brčko, 28.11.2018. godine

Predsjednik upravnog odbora
JP „Radio Brčko“ d.o.o.


Edin Ražanica, dipl. menadžer bezbjednosti